

Ўзбекистон Республикаси Товар хом-ашё биржаси махсус ахборот парталида жойлаштирилган
01.06.2022 йилги №92372 лот ракамли энг яхши таклифни танлаш юзасидан танлов ўтказиш
тўғрисидаги эълон натижаси бўйича

ПУДРАТ ШАРТНОМАСИ

(Жорий таъмирлаш бўйича)

2022-у. «10» 6

2022-218-4-57-ХТ-
son

Dehqonobod tumani

Кейинги ўринларда “Буюртмачи” деб юритиладиган Дехқонобод тумани Халқ таълим бўлимига қарашли 29-сонли мактаб биносини жорий таъмирлаш бўйича раҳбар Б.Юсупов бир томондан ва кейинги ўринларда “Пудратчи” деб юритиладиган Гигант сервис пром хусусий корхонаси номидан Низом асосида раҳбар М.Саъдуллаева иккинчи томондан мазкур пудрат шартномасини туздилар.

1.ШАРТНОМАНИНГ ПРЕДМЕТИ.

1.1 Ушбу шартнома бўйича Пудратчи, Дехқонобод тумани Халқ таълим бўлимига қарашли 29-сонли мактаб биносини жорий таъмирлаш ишларини лойиха смета ҳужжатлари асосида бажаришни, буюртмачи бажарилган ишларни қабул қилиб олишни ҳамда тўловни амалга оширишни ўз зиммаларига оладилар.

2. ШАРТНОМА БЎЙИЧА ИШЛАР ҚИЙМАТИ

2.1 Буюртмачи томонидан тақдим қилинган лойиха смета ҳужжатларга асосан таъмирлаш ишларининг баҳоси 905 636 805 (тўққиз юз беш миллион олти юз уттиз олти минг саккиз юз беш) сўмни ташкил қиласди.

2.2 Қурилишнинг шартномавий нархларини ўзгартириш қонун ҳужжатларида белгиланган тартибда амалга оширилади.

2.3 Тегишли асослар мавжуд бўлганда ўзгаришлар Буюртмачи билан Пудратчи ўртасидаги шартномага қўшимча битим билан расмийлаштирилади.

3. ПУДРАТЧИННИНГ МАЖБУРИЯТЛАРИ

3.1 Мазкур шартнома бўйича Пудратчи мазкур шартноманинг 1-бўлимида назарда тутилган ишларни бажариш учун:

- барча ишларни мазкур шартномада назарда тутилган хажмда ва муддатларда иншоот нархидаги ишларни 100% ни ўзининг кучлари билан бажариш ҳамда ишни Буюртмачига мазкур шартнома шартларига мувофиқ топшириш;

- танлов натижаси бўйича ишлар бошланган кундан эътиборан объектни 30 кунда топшириш;

- қурилиш майдонига зарур қурилиш материаллар, буюмлар, конструкциялар ва бутловчи буюмлар, қурилиш техникаларини етказиб бериш, уларни қабул қилиш тушириш, омборга жойлаш ва сақлаш;

- қурилиш майдони худудида вақтинчалик иншоотлар қуриш;

- буюртмачини Пудрат шартномалари тузилиши давомида ёрдамчи пудратчилар билан шартномалар тузилиши, шартнома мазмуни, ёрдамчи пудратчининг номи ва манзили тўғрисида хабардор қилиш;

- қурилиш таваккалчилигини суғурта қилиш.

3.2 Мазкур шартнома бўйича объектни фойдаланишга қабул қилиб олиш тўғрисидаги далолатномага имзо чекилгандан бошлаб бир ой муддатда курилиш майдонини ўзига тегишли курилиш машиналари, асбоб-ускуналари, транспорт воситалари, анжомлар, приборлар, инвентарлар, курилиш материаллари, буюмлари, конструкциялар ҳамда вактингчалик бинолардан бўшатиш;

- курилиш майдонини қўриқланишини таъминлаш;
- курилиш жараёнида жалб қилинган ишчи ходимларни белгиланган тартибда расмийлаштириб, ижтимоий химояси ва техник хафсизлигини таъминлаш мажбуриятини олади.

3.3 Пудратчи объект фойдаланишга топширилгунга қадар мазкур шартнома бўйича мулк хуқуқини ўзида сақлаб қолади. Объектнинг Буюртмачига топширилгунга қадар, объектнинг тасодифий йўқ қилиниши ва шикастланиши хавфи Пудратчининг зиммасида бўлади.

3.4 Пудратчи мазкур шартнома бўйича барча ишларнинг зарур тарзда бажарилиши ҳамда объектнинг фойдаланишга топширилиши учун Буюртмачи олдида тўлиқ мулкий жавоб беради.

4.БУЮРТМАЧИНИНГ МАЖБУРИЯТЛАРИ

4.1. Мазкур шартномани бажариш учун буюртмачи:

- мазкур шартнома имзоланган кундан бошлаб уч кун муддатда мазкур шартномага мувофиқ ишларни бажариш учун яроқли бўлган курилиш майдонини, объект курилиши ва курилиш тугаллангунча бўлган даврда далолатнома бўйича Пудратчига бериш;
- ишлар бажарилиши устидан доимий қурилишда техник назорат ва мазкур шартномага мувофиқ Пудратчи томонидан қабул қилинган мажбуриятлар ва бошка функцияларга риоя этилишини назорат қилиш;
- Пудратчидан тугалланган ишларни қабул қилиб олишни таъминлаш;
- шартномага мувофиқ пудратчига аванс бериш ва жорий молиялаштиришни амалга ошириш;
- мазкур шартнома имзоланган кундан бошлаб, бир ой давомида пудратчи пудрат ишларини қабул қилиш учун зарур бўлган ижро хужжатлари рўйхатини тақдим этиш;
- мазкур шартномада назарда тутилган мажбуриятларни тўлиқ хажмда бажариш мажбуриятини олади;

4.2. Буюртмачи мазкур шартнома бўйича ўз зиммасига қабул қилган мажбуриятларни шартнома кучга кирган кундан бошлаб 30 кун мобайнида бажармаган тақдирда, Пудратчи бу ҳақда қонун хужжатларида белгиланган тартибда Буюртмачини ёзма равишда хабардор қилган ҳолда, шартномага ўзгартиришлар киритиш ёки шартномани бир томонлама тартибда бекор қилиш хуқуқига эгадир. Бундан Буюртмачи пудратчи томонидан бажарилган ишлар учун ҳақ тўлашдан озод қилинмайди.

5.ТЎЛОВЛАР ВА ҲИСОБ-КИТОБЛАР

5.1. Ушбу шартноманинг умумий суммаси 905 636 805 сўмни ташкил килади.

5.2. Ушбу шартнома Фазначилик бўлимида рўйхатга олинган кундан бошлаб 10 кун муддат ичida Буюртмачи таъмирлаш ишларини бошлаш учун Пудратчига мазкур шартнома нархининг 30%и ёки 271 691 041 (икки юз етмиш бир миллион олти юз туқсон бир минг қирқ бир) сўм аванс тариқасида маблағни кўчиради.

5.3. Буюртмачи тўловни пул ўтказиш йўли билан амалга оширади.

5.4. Пудрат ташкилоти томонидан шартномада кўрсатилган суммадан ортиқ бажарилган ишлар учун Буюртмачи томонидан тўловлар амалга оширилмайди.

6. ТАЪМИРЛАШ ИШЛАРИНИ БОШЛАШ, БАЖАРИШ ВА ТУГАТИШ

БҮЙИЧА ШАРТНОМАВИЙ МУДДАТЛАР.

- 6.1. Таъмирлаш ишларининг бошланиши 10 июнь 2022 йил .
- 6.2. Таъмирлаш ишларининг тугаши вақти 10 июль 2022 йил.
- 6.3. Шартномадаги 5.2 бандида кўрсатилган авансни Пудратчи олгандан сўнг таъмирлаш ишларини бошлайди.
- 6.4. Буюртмачи қурилиш майдонида ўз вакилини - Техник назоратчи тайинлади, у Буюртмачининг номидан бажарилаётган ишлар сифати устидан техник назоратни амалга оширади, шунингдек Пудратчи томонидан фойдаланиладиган материаллар ва асбоб ускуналар шартнома шартларига ва иш хужжатларига мувофиқлигини текширади.
- 6.5. Техник назоратчи ишлар бажарилишининг ва шартноманинг бутун давр мобайнида ишларнинг барча турлари билан тўсиқсиз танишиш хуқуқига эгадир.
- 6.6. Пудратчи Техник назоратчи ишлаш учун жой билан таъминлади. Техник назоратчи Пудратчи томонидан ўтказиладиган қурилиш майдонида ишларни амалга ошириш чоғида пайдо бўлувчи масалаларни хал қилиш бўйича чоралар кўради.
- 6.7. Пудратчи ишларни бажариш лойихасига ва мазкур шартноманинг 14.6-бандида кўрсатилган муддатлар билан мувофиқлаштирилган ўз режаси ва жадвалига биноан обьектда ишларни бажаришни мустақил равишда ташкил этади.
- 6.8. Қурилиш майдонида умумий тартиби таъминлаш Пудратчининг вазифаси ҳисобланади.
- 6.9. Буюртмачи томонидан таъмирлаш ишларини бажариш даврида Пудратчи томонидан ҳарид қилинган қурилиш материалларни тақдим қилиши мумкин.
- 6.10. Қурилиш майдонида ишларни бажариш даврида коммуникацияларни вақтинча улашни ва улаш нукталарида янгидан қурилган коммуникацияларни улашни Пудратчи амалга оширади.
- 6.11. Пудратчи ўзи томонидан қурилишда қўлланиладиган қурилиш материаллари, асбоб-ускуналари ва бутловчи буюмлар. конструкциялар ва коммуникация тизимлари сифати лойиха хужжатларида кўрсатилган спецификацияларга давлат стандартларига, техник шартларга мувофик бўлишини ҳамда уларнинг сифатини тасдиқловчи тегишли сертификатларга, техник паспортларга ёки бошқа хужжатларга эга бўлишини кафолатлади.
- 6.12. Алохидা беркитилган конструкциялар ва беркитилган ишлар тайёр бўлишига қараб уларни қабул қилишни бошлашдан 2 кун олдин Пудратчи Буюртмачини ва бошқа тегишли ташкилотларни ёзма равишда хабардор қилади.
- 6.13. Қабул қилинадиган конструкциялар ва ишларнинг тайёрлиги Буюртмачи ва Пудратчи томонидан маъсул конструкцияларни оралиқ қабул қилиш далолатномалари ҳамда уларнинг қурилиш соҳасида назорат инспекцияси билан келишган шартларида беркитиладиган ишлар текшируви далолатномалари билан тасдиқланади.
- 6.14. Агар Буюртмачи Пудратчи ва (ёки) унинг ёрдамчи пудратчилари томонидан ишларнинг сифатсиз бажарилганлигини аниқласа у ҳолда Пудратчи ўз кучлари билан ва қурилиш қийматини купайтирмасдан ушбу ишларни уларнинг зарур сифатини таъминлаш учун келшилган муддатда қайта бажаришга мажбурдир. Агар Пудратчи сифатсиз бажарилган ишларни келишилган муддатда тузата олмаса, Пудратчи уларни тузатишнинг кечикиши оқибатида етказилган заарларни Буюртмачига тўлайди.
- 6.15. Пудратчи қурилиш майдонини ва унга туташ худудларни, шу жумладан йўл участкалари ва йўлакларини тозалайди ва озода сақтайди, қурилиш даврида майдонда қурилиш ахлатини Буюртмачи томонидан кўрсатилган жойга чиқариб ташлайди.
- 6.16. Ишлар бошланган пайтдан бошлаб улар тугаллангунча Пудратчи ишларни бажариш дафтарини юритади. Дафтарда бутун ишларни бориши Буюртмачи ва Пудратчининг ўзаро муносабатларида ахамиятга эга бўлган холатлар (ишларнинг бошланиши ва тамом бўлиши санаси, материаллар, асбоб-ускуналар берилиши, хизматлар кўрсатилиши санаси, ишларнинг қабул қилиб олиниши ўтказилган синовлар, материаллар

ўз вақтида етказиб берилмаслилиги билан боғлиқ тұхтаб қолишлар, курилиш техникасининг ишдан чиқиши түғрисидаги маълумотлар, шунингдек курилишини тугаллашни узил-кесил муддатига таъсир қилиши мүмкін бўлган барча маълумотлар) акс эттирилади. Агар Буюртмачи ишларнинг бориши ва сифатидан ёки Пудратчининг қайдларидан қониқмаса, у ҳолда ишларни бажариш дафтарида ўз фикрини баён қилади. Пудратчи дафтарда Буюртмачи томонидан асосли равища кўрсатилган камчилликларни З кун муддатда бартараф этиш чора-тадбирларини ўз зиммасига олади.

6.17. Таъмирашни тұхтаб қолганлиги учун сабабчи бўлган томон бунинг оқибатида келиб чиқадиган ҳар қандай камомад ёки жавобгарликни ўз зиммасига олади.

6.18. Таъмирашни тугаллаб фойдаланишга топшириш учун тузилган комиссия далолатномаси тасдиқлангандан сўнг таъмираш ишлари тамом бўлган деб ҳисобланади.

6.19. Пудратчи, буюртмачи томонидан тузилган шартномада кўрсатилган таъмираш ишлари бажаришда, ўзининг техникасидан фойдаланади. Техника харажатлари пудратчи ҳисоби қопланади.

6.20. Агар Пудратчи шартномада кўрсатилмаган ёки ўзбошимчалик билан объектда смета лойиха хужжатларида кўрсатилмаган қўшимча иш бажарса, инобатга олинмайди.

6.21. Пудратчи объектни таъмираш жараёнида, эски яроқли олинган курилиш материалларини буюртмачини чақириб, далолатнома тузиб, буюртмачига топширади.

6.22. Пудратчи ўз ҳисобидан ишчи хизматчиларни келиб кетишини таъмирлади.

6.23. Пудратчи ўзига топширилган ишни ўз вақтида бажариши, шунингдек таъмираш ишлари каталог лойиха смета хужжатлари, калькуляция ва бошқа баҳолаш хужжатлари белгиланган турлари бўйича қурилиш таъмираш нормаларига асосан буюртмачига топшириши шарт.

7. ИШЛАРИНИ ҚЎРИҚЛАШ

7.1. Пудратчи объектнинг Буюртмачи томонидан қабул қилиб олингунга қадар қурилиш майдони худудидаги материаллар, асбоб-ускуналар курилиш техникаси ва бошқа мол-мулк зарур даражада қўриқланишини таъминлади.

7.2. Тикланган бино ва иншоотлар шунингдек материаллар, асбоб-ускуналар ва бошқа мол-мулклар объект қабул қилиб олингандан кейин сақланиши учун Буюртмачи жавоб беради.

8. ЕНГИБ БЎЛМАЙДИГАН КУЧ (ФОРС-МАЖОР) ҲОЛАТЛАРИ

8.1. Агар ушбу шартнома бўйича мажбуриятлар қисман ёки тўлиқ бажарилмаслиги табиат ходисалари ва бошқа енгиб бўлмайдиган куч ҳолатлари натижасида келиб чиқса ва агар бу ҳолатлар мазкур шартноманинг бажарилишига бевосига таъсир этса томонлар бундан қисман ёки тўлиқ бажармаслик учун жавобгарликдан озод этиладилар. Мазкур шартнома бўйича мажбуриятларни бажариш муддати енгиб бўлмайдиган куч ҳолатлари амал қилган, шунингдек ушбу ҳолатлар юзага келтирган вақтда мутаносиб равища узайтирилади.

8.2. Агар енгиб бўлмайдиган куч ҳолатлари ёки уларнинг оқибатлари бир ойдан кўп вақтда чўзилса, у ҳолда Пудратчи ва Буюртмачи ишларни давом эттириш ёки уларни консервация қилиш учун қандай чоралар қўрилишини мухокама қиладилар.

8.3 Агар томонлар икки ой ичida келиша олмасалар, у ҳолда томонларнинг ҳар бири шартнома бекор қилинишини талаб қилишга ҳақлидир.

9. ҚУРИЛИШИ ТУГАЛЛАНГАН ОБЪЕКТНИ ҚАБУЛ ҚИЛИБ ОЛИШ

9.1. Қурилиши тугалланган объектни қабул қилиб олиш шартномани имзолаш санасида амалда бўлган белгиланган тартибга мувофиқ мазкур шартномада назарда тутилган барча мажбуриятлар томонлар тарафидан бажарилгандан кейин, шунингдек қурилиши тугалланган объектни фойдаланишга қабул қилиб олишнинг белгиланган қоидаларига биноан амалга оширилади.

9.2. Объектни фойдаланишга тайёрлиги тўғрисида Пудратчи ёзма билдиришномасини Буюртмачи томонидан олинган кундан бошлаб 30 кун мобайнида қабул қилиб олинади.

9.3. Пудратчи қурилиши тугалланган объектни қабул қилиб олиш бошланишидан беш кун олдин мазкур шартноманинг 9 бўлимига мувофик Буюртмачига Буюртмачи томонидан белгилаган таркибдаги икки нусха ижро хужжатларини беради. Пудратчи Буюртмачига ушбу хужжатлар тўпламини амалда бажарилган ишларга тўлик мос келишини ёзма равища тасдиқлаши керак.

9.4. Қабул қилиб олинган пайтдан бошлаб объект Буюртмачининг мулкига айланади.

10. КАФОЛАТЛАР

10.1. Барча ишлар тўлик хажмда ва мазкур шартнома шартларида белгиланган муддатларда бажарилишини;

Лойиха хужжатлари хамда қурилиш меъёрлари, фойдалари ва техник шартларига мувофик барча ишларни бажариш сифатини;

Ўзи томонидан аъмирилаш учун қулланиладиган қурилш материаллари, асбоб-ускуналар бутловчи буюмлар, конструкция ва тизимлар сифатини, уларнинг лойиха хужжатлари қўрсатилган сертификацияларга, давлат стандартларига хамда техник шартларга мувофиқлиги;

Ишларни қабул қилиш ва объектдан фойдаланишнинг кафолатли даврида аниқланган камчиликлар ва нуқсонларни ўз вақтида бартараф қилишни;

Объектдан фойдаланилганда мухандислик тизимлари ва ускуналарининг фойдаланиш қоидаларига мувофиқлигини кафолатлади.

10.2. Агар объектдан фойдаланишнинг кафолатли даврида аниқланиб, улар бартараф этишга қадар фойдаланишни давом эттириш имконини бермайдиган нуқсонлар аниқланса, ушбу кафолат муддатти куқсонларни бартараф этиш даврига узайтирилади. Нуқсонлар Пудратчи томонидан унинг хисобидан бартараф этилади.

Мавжуд нуқсонлар ва уларнинг бартароф этиш муддатлари Пудратчи ва Буюртмачининг томонлама далолатномасида қайд этилади.

Агар Пудратчи бажарилган ишлардаги нуқсонлар ва чала ишларни, жумладан ускуналар мазкур шартноманинг 12-бўлимда назарда тутилган миқдоргacha бўлган сўммани кафолат сифатида Пудратчидан ушлаб қолиш хукуқига эга.

10.3. Пудратчи нуқсонлар ва чала ишлар қўрсатилган далолатномани тузишдан ёки имзо қуийшдан бош торган тақдирда, уларни текшириб чиқиши “Давлат архитектура қурилиш назорат” органи томонидан амалга оширилади, бу томонларнинг ушбу масала бўйича иқтисодий судига мурожаат қилишини истисно этмайди.

Жорий таъмирлаш ишлари қабул қилиб олиш далолатномани имзоланган кундан бошлаб камида 1 ой этиб белгиланади.

11. ШАРТНОМАНИ БЕКОР ҚИЛИШ

11.1 Буюртмачи:

Шартнома кучга киргандан кейин таъмирлаш ишлари бошланиши Буюртмачига боғлик бўлмаган сабабларга кўра Пудратчи томонидан бир ойдан кўп муддатда кечиктирилмагандан;

Пудратчи томонидан шартнома шартлари бузилганда, шунингдек қурилиш меъёрлари ва қоидалар ишларнинг сифатни пасайишига олиб келадиган дарражада бузилганда;

қонун хужжатларига мувофиқ бошқа асослар бўйича шартноманинг бекор қилинишини талаб қилиш хукуқига эга.

Пудратчи:

- ишларнинг бажарилиши Пудратчига боғлик бўлмаган сабабларга кўра Буюртмачи томонидан бир ойдан ортиқ муддатга тўхтатиб қўйилганда;
- буюртмачи томонидан молиялаштириш шартлари бажарилмаганда;
- қонун хужжатларига мувофиқ бошқа асослар бўйича шартноманинг бекор қилинишини талаб қилиш хуқуқига эга.

11.2. Шартнома бекор қилинганда Буюртмачи ва Пудратчининг қўшма қарорига кўра тугалланмаган курилиш обьекти бир ой муддатда Буюртмачига топширилади, Буюртмачи бажарилган ишлар қийматини Пудратчига тўлайди.

11.3. Мазкур шартномани бекор қилишга қарор қилган томом мазкур бўлим қоидасига мувофиқ иккинчи томонга ёзма билдиришнома юборади.

11.4. Шартнома бекор қилинган тақдирда айбдор томон иккинчи томонга етказилган зарарни. шу жумладан бой берилган фойдани тўлайди.

11.5. Шартноманинг бир томонлама бекор қилинишига йўл қўйилмайди, қонун хужжатларида ёки мазкур шартномада назарда тутилган холлар бундан мустасно.

12. ТОМОНЛАРНИНГ МУЛКИЙ ЖАВОБГАРЛИГИ

12.1. Томонлардан бири шартнома мажбуриятини бажармаса ёки зарур даражада бажарилмаган тақдирда айбдор томон:

- иккинчи томонга етказилган зарарни тўлайди;
- Ўзбекистан Республикасининг Фуқаролик кодексида, “Хўжалик юритувчи субъектлар фаолиятининг шартномавий-хуқуқий базаси тўғрисида”ги Ўзбекистан Республикаси қонунида, бошқа қонун хужжатларида ҳамда мазкур шартномада назарда тутилган тартибда бошқача жавобгарликка тортилади.

12.2. Мазкур шартномага тегишли иловаларда кўрсатилган ўз мажбуриятларига риоя қилмаганлиги, ўз вақтида молиялаштирулмаганлиги ва шартномада белгиланган бошқа мажбуриятларни бузганлиги учун Буюртмачи Пудратчига кечикирилган ҳар бир кун учун мажбуриятининг бажарилмаган қисмининг 0,1 фоизи миқдорида пеня тўлайди, бунда пенянинг умумий суммаси бажарилмаган ишлар ёки кўрсатилмаган хизматлар қийматининг 30 фоизидан ошмаслиги лозим.

12.3. Пеня тўлашни Буюртмачини шартнома шартлари бузилиши туфайли етказилган зарарни қоплашдан озод этмайди.

12.4. Шартномага мувофиқ бажарилган ишлар хажмини тасдиқлашдан асоссиз равишда бош тортилганлиги учун Буюртмачи Пудратчига ўзи тасдиқлаши рад этган ёки бош тортган сумманинг 0,2 фоизи миқдорида жарима тўлайди.

12.5. Пудратчи обьектни ўз вақтида ишга тушириш бўйича ўз мажбуриятларини бузганлиги учун Буюртмачига муддати ўтказиб юборилган ҳар бир кун учун мажбуриятларнинг бажарилмаган қисмининг 0,1 фоизи миқдорида пеня тўлайди, бироқ бунда пенянинг умумий суммаси обьект шартномавий жорий қийматининг 50 фоизидан ошмаслиги лозим.

12.6. Буюртмачи томонидан топилган нуқсонлар ва камчиликлар ўз вақтида бартараф этилмагани учун Пудратчи буюртмачига муддати ўтказиб юборилган ҳар бир кун учун сифатсиз бажарилган ишлар қийматининг 0,1 фоиз миқдорида пеня тўлайди, бунда пенянинг умумий суммаси сифатсиз бажарилган ишлар қийматининг 50 фоизидан ошмаслиги керак.

12.7. Пеня тўлаш Пудратчини ишларини бажаришнинг ёки хизматлар кўрсатишнинг кечикиши туфайли етказилган заарларни қоплашдан озод этмайди

12.8. Агар бажарилган ишлар сифати белгиланган стандартларга, курилиш меъёрлари ва қоидаларига, ишчи хужжатларига мувофиқ бўлмаса у ҳолда Буюртмачи қурилиш соҳасида назорат инспекциясининг холосаси асосида обьектни қабул қилиш ва унинг учун

хақ тўлашдан бош тортиш, шунингдек Пудратчидан сифати зарур даражада бўлмаган ишлар қийматининг 0,5 фоизи микдорида ундириш хукуқига эга.

12.9. Шартнома бўйича мажбуриятлар бажарилмаганилиги учун мазкур моддада назарда тутилган жазолардан ташқари шартномани бузган томон тарафидан қилинган харажатларда, мол-мулкнинг йўқотилиши ёки шикастланишида, шу жумладан бой берилган фойдада ифодаланадиган пеня билан қопланмаган заарларни қоплайди.

12.10. Муддат ўтказиб юборилганлиги ёки мажбуриятларнинг бошқача тарзда зарур даражада бажарилмаганилиги учун пеня тўлаш томонларни ушбу мажбуриятларни бажаришдан озод этмайди.

13. НИЗОЛАРНИ ҲАЛ ЭТИШ

13.1. Ушбу шартнома асосида келиб чиқадиган хар қандай низолар Ўзбекистон Республикасининг амалдаги қонунчиликлари талабларига асосан Иқтисодий судларида ҳал этилади.

14. АЛОХИДА ШАРТЛАР

14.1. Мазкур шартнома имзолангандан кейин мазкур шартномага тегишли бўлган томонлар ўртасидаги барча олдинги ёзма ва оғзаки битимлар, ёзишмалар, томонларнинг ўзаро келишувлари ўз кучини йўқотади.

14.2. Пудратчи қурилиш обьектига ёки унинг алохидага тегишли иш хужжатларини Буюртмачининг ёзма рухсатисиз, ёрдамчи пудратчилардан ташқари, бирон-бир учинчи томонга сотиш ёки бериш хукуқига эга бўлмайди.

14.3. Мазкур шартномага барча ўзгартириш ва қўшимчалар, агар улар ёзма шаклда расмийлаштирилган ва томонлар уларни имзоланган бўлса ҳақиқий ҳисобланади.

14.4. Буюртмачи билан Пудратчи ўртасидаги мазкур шартномадан келиб чиқмайдиган янги мажбуриятлар пайдо бўлишига олиб келадиган хар қандай келишувни томонлар мазкур шартномага қўшимчалар ёки ўзгаришлар шаклида ёзма равишда тасдиқлаши керак.

14.5. Агар Пудратчи шартнома бўйича ишлар якунланганидан кейин қурилиш майдонида ўзига тегишли мол-мулкни қолдирса, у холда Буюртмачи Пудратчи қурилиш майдонини озод қилиш санаасигача бажарган ишлари учун хақ тўлашни кечикиришга хақлидир.

14.6. Шартнома амал килиш муддати 2022 йил 31 декабрга қадар.

14.7. Мазкур шартномада назарда тутилмаган бошқа барча холлар учун амалдаги қонун хужжатлари нормалари қўлланилади.

14.8. Мазкур шартнома бир хил юридик кучга эга бўлган икки нусхада тузилади.

14.9. Мазкур шартнома тегишли ғазначилик бўлимидан руйхатдан ўтганидан сўнг хукукий кучга киради.

15. ТАРАФЛАРНИНГ МАНЗИЛЛАРИ ВА БАНК РЕКВИЗИТЛАРИ

Б У Ю Р Т М А Ч И

Дехқонобод туман Дехқонобод Халқ таълим

булими Қарашина шахарчаси

ШХР: : 40172286010212709210007500

СТИРи 201047124 ОКОНХ 86100

Дехқонобод тумани бўйича Ғазначилик

Бўлинмаси

Ғазна X/B 23402000300100001010

Банк: Тошкент Марказий банк

Ғазначилик бўлинмаси СТИРи 201122919

П У Д Р А Т Ч И

Гигант сервис пром х.к.

Дехқонобод тумани Истиқлол МФЙ

Тел: (+99899)752 0006

X/P : 20208000905382878001

Банк: Агробанк АТБ

Дехқонобод филиали

МФО: 00 158 ОКОНХ: 61110

ИНН: 306742092



Реєр
М. Ў.



О'zbekiston Respublikasi Vazirlar Mahkamasining 2009 yil 24 iyundagi 177-son qarori asosida tasdiqlangan Ish beruvchining fuqarolik javobgarligini majburiy sug'urta qilish qoidalari oldim.



Qashqadaryo viloyati Dehqonobod tuman Dehqonobod tumani Xalq ta'lim bo'limiga qarashli 29-sonli maktab binosini joriy ta'mirlash ishlarni loyixa smeta hujjatlari asosida bajarish uchun tuzilgan pudrat shartnomasiga

HUQUQShUNOS XULOSASI

10-iyun 2022-yil

Dehqonobod tuman

Men Yuridik xizmat ko'rsatish markazi bosh yuristkonsul'ti M.Hayitov O'zbekiston Respublikasining 1998-yil 29-avgustdagи "Xo'jalik yurituvchi sub'ektlar faoliyatining shartnomaviy-huquqiy bazasi to'g'risida"gi qonunining 21-moddasiga asoslanib, Dehqonobod tuman Xalq ta'lim bo'limi va Gigant servis prom xususiy korxonasi o'rtaida tuzilgan shartnomasini yuridik ekspertizadan o'tkazib, quyidagilarni


Aniqladim:

Mazkur shartnomma O'zbekiston Respublikasi Fuqarolik kodeksining 631-655-moddalari talabiga, shuningdek, ushbu kodeksning 666-685-moddalari hamda O'zbekiston Respublikasining 1998 yil 29 avgustdagи "Xo'jalik yurituvchi sub'ektlar faoliyatining shartnomaviy-huquqiy bazasi to'g'risida"gi qonunining talablariga to'liq javob beradi. Ushbu turdagи shartnomma O'zbekiston Respublikasining Fuqarolik kodeksining 631-655-moddalari hamda 666-685-moddalari bilan tartibga solinadi. Shartnomma matni O'zbekiston Respublikasi Fuqarolik kodeksi, "Xo'jalik yurituvchi sub'ektlar faoliyatining shartnomaviy huquqiy bazasi to'g'risida"gi qonuni, O'zbekiston Respublikasi Prezidentining Farmonlari va boshqa me'yoriy xujjatlar talabiga mos keladi.

Xulosa

Loyiha amaldagi qonun hujjatlari muvofiq ishlab chiqilgan va uni qabul qilish maqsadga muvofiq.

Yuridik xizmat ko'rsatish
markazi bosh yuristkonsul'ti:



M.Hayitov



10.06.2022 даги

Gigant Servis Prom xususiy korxonasi ва Дехканобод туман ХТБ (Центр) ўртасида 905636805,00 сўм умумий суммага тузилган 2022-218-4-57-xt - сонли шартномага

ТЎЛОВЛАР ЖАДВАЛИ*

Боб

075

Шахсий газна хисобварак

401722860102127092100075001

сўмда

2022 й. ойлар номи.	Харажатлар тури** (бюджет таснифининг тегишли коди)		Жами
	4232200		
Январь			
Февраль			
Март			
Апрель			
Май			
Июнь	905 636 805,00		905 636 805,00
Июль			
Август			
Сентябрь			
Октябрь			
Ноябрь			
Декабрь			
Жами йил бўйича	905 636 805,00		905 636 805,00

Жами 905636805,00 сўм

Тўқиз юз беш миллион олти юз ўттиз олти минг саккиз юз беш сўм
10 тийин
сумма сўз билан

Юкоридаги кўрсатилган суммадан 271691041,50 сўм ёки 30,00%*** шартноманинг умумий суммасидан

% ***20 ойида тўланиши лозим.

(*) — бюджет ташкилоти, бюджет маблағи олувчи ва БМЖ маблағи олувчи томонидан газначилик бўлинмасига икки нусхада тақдим этилади;

(**) — бўлим, кичик бўлим ва харажат моддаси кўрсатилади;

(***) — Юкоридаги кўрсатилган суммадан ойига % жорий ойнинг санасигача ҳар ойда олдиндан тўланиши лозим (ушбу сатр бюджет ташкилоти, бюджет маблағи олувчи ва БМЖ маблағи олувчи томонидан коммунал хизматлар кўрсатиш, алоқа хизматлари ва конун хужжатларида назарда тутилган ҳар ой доимий равишида товарлар (ишлар, хизматлар) етказиб бериш шартномалари бўйича олдиндан тўловни амалга ошириш холларида тўлдирилади).

Буюртмачи раҳбари

М. Ў.



Усупов Бахтиёр
(имзо)

Юсупов Бахтиёр Мавлонович

Ф.И.Ш.

Буюртмачи бош бухгалтери

Одинаев Хайрулла
(имзо)

Одинаев Хайрулла Жумаевич

Ф.И.Ш.

Газначилик бўлинмасининг
ходими қабул қилди

(имзо)

«___» 20 ___ й.

Буюртмачи ходими
қабул қилди

(имзо)

«___» 20 ___ й.